

جريدة محاكم

جمعه ایرتپی

نومرو	محرر	سنه	ینان	سنه	صفحه
۱۰۸۱	۱۳	۱۳۱۸	۲۹	۱۳۱۶	۱۵۱۶۳

(اشبه غزیه بهر هفته جمعه ایرتپی کونلری میقرار . نه لکی در سعادت ایچونه مجیدیه بکرمی غروسه)
 (مسایله التمه غروسه . طشور ایچونه اوله بیه غروسه یوسه اهرنی ضم اولنور . بهر)
 (نفسه سی نه مجیدیه بکرمی غروسه اوله اوزره یوزیارویه هریده صایلور . درج اوله جیه اعلاناتک)
 (هر بنده بر مجیدیه افز اولنور . نه لکه مشتری اوله استیاند عدلیه نظارتی دأره سنره لاشه جبریده)
 (محاکم اداره سنه مراجعت ایلملیدر .)

قسم غیر رسمی

بروسه ده قواقلی محله سنده مقیمه عایشه خانم
 ایله بینده متکون دعوا یه دأر خداوندکار ولایتی
 استیناف محکمه سندن صادر اولان ۱۵ تموز سنه
 ۳۱۵ تاریخلی اعلامک تمیزینی مستدعی بروسه نک
 ریحان محله سنده ساکن حاجی بیغا متولیس
 اسماعیل بکک و پردیکی عرضحال و متفرعاتی باش
 مدعی عمومیلک مأموریت علیه سنک مطالعه نامه سیله

برلشدیریلهرک محکمه تمیز استدعا دأره سنده
 لدی التدقیق مدت شروط قانونیه سنه موافق
 اولغله استدعا ی مذکور بالقبول اعلام مزبور
 شامل اولدینی وظیفه قرار ی حقنده تدقیقات
 تمیزیه اجراسنه ابتدار قلندی

اعلام مذکورک خلاصه مالی مومی الیها
 عایشه خانمک متصرفه اولدینی مناره لی چاوش
 قریه سی جوارنده واقع اراضینک سکنز سهم
 اعتباریله الی سهم حصه شایعه سنه مومی الیه

اسماعیل بك جانبندن وقوعبولان مداخله نك
منعيله مدعيه به تسليمه دائر بروسه مركز بدایت
محكمه سندن صدور ایدن اعلام علیه میر
موسی الیه طرفندن استیناف دعوی وارضی
منازع فیهانك اوقاف صحیحهدن اولدینی رسماً
ثابت وبومقوله اراضیدن متولد دعاویك رؤیت
وتدقیق محاکم شرعیه عائد اولدینی حالده درجه
اولی محكمه سنجه خارج از وظیفه دعوانك رؤیت
اولنسی اعلام مستأنف بهك فسحنی موجب
ایدوکی بیان وانبأ قلنمش ایسهده اراضی
مذكوره نك غله سی متولیره عائد اولان اجاره
واحدلو اراضیدن اولیوب تخصیصات قیلنندن
واجبار صورته آخره بیع وتملیكی مجاز اولان
قسمدن بولنسی جهته بومثللو اراضیه اوقاف
صحیحه نامی ویریه میه جکنه وبناء علیه دعوای
حاضره نك رؤیتی محاکم نظامیه نك وظیفه سی
داخلنده اولدیغه قرار ویرلدکن صکره اساس
ماده بالتدقیق اعلام مستأنف بهك تصدیقه
حکمدن ومستدعی تمیزك اشبو حکم علیه
لایحه سنده مندرج اعتراضاتك مؤداسی اراضی
منازع فیهانك اوقاف صحیحهدن اولدینی قیداً
محقق ایکن دعوای واقعه نك محاکم نظامیه به
رؤیت قرار اعطاسی مغایر قانون ایدوکنندن

بجمله اعلام مزبورك نقضی ومیز علیها عایشه
خانمك لایحه سنده محرر فذلکک اجوبه سیده
اوقاف غیر صحیحهدن اولان بومثللو اراضیدن
منبعث منازعاتك تفریق وظائف نظامنامه سی
موجب مرجع تدقیق محاکم نظامیه ایدوکی
بیانیه اعلام مذکورك تصدیق استدعاسندن
ومطالعنامه نك مفادی دخی اعلام میزیده محرر
تفصیلاته نظراً وظیفه دائر لایحه تمیزیده
درمیان اولنان اعتراضاتك موافق قانون
کوریه مدیكی بیانندن عبارت بولنمشدر

ایجابی لدی المذاکره اعلام میزیده مندرجاتندن
منفهم اولدینی اوزره محكمه استینافیه به اراضی
منازع فیهانك غله سی متولیره عائد اولان اجاره
واحدلو اراضیدن اولیوب تخصیصات قیلنندن
ایدوکنه ابتناء دعوای واقعه نك رؤیتی محاکم
نظامیه نك وظیفه سی داخلنده اولدیغه قرار ویرلش
ایسهده اراضی مذکورنك اوقیل اراضیدن
اولدینك یعنی اوقاف غیر صحیحهدن بولندینك
نه ایله ثابت اولدینی کوسترلماش وبوایسه هر بر
قرارك علل واسباب موجب سنك کوسترلسی
لزومنی مبین اولان اصول محاکمه حقوقیه
قانونك یوز اوتوز النجی ماده سنه مغایر بولنمش
اولسنه مبنی قانون مزبورك ایکوز اوتوز ایکنجی

ماده سی موجبجه اعلام میزبهك نقضیه کیفیتك
احکام قانونیه دائره سنده یکیدن بالتدقیق حکم
واعلامه ربطی ضمننده محكمه مرقومه به اعاده سنه
وزیرده مفرداتی مرقم اوچیوز یکرمی درت
غروش اون پاره مصارف تمیزیه نك بالآخره
حقسنر چیقه جق طرفه راجع اولسق اوزره
اول امرده مستدعی تمیزدن النسنه ۹ ثمرین اول
سنه ۳۱۵ تاریخنده متفقاً قرار ویرلدی .



جیل برکت بدایت جزا محكمه سیله اطنه
ولایتی هیئت اتهامیه سندن ویریلان قرارلرك
یکدیگریه مابین اولسندن طولای تعیین مرجع
دعوی ضمننده اوراق دعوی ولایت مذکوره
استیناف مدعی عمومیلکی طرفندن ۹ کانون اول
سنه ۳۱۵ تاریخلی تحریراتله ارسال اولنغله باش
مدعی عمومیلک مأموریت علیه سنك ۲۹ کانون
ثانی سنه ۳۱۵ تاریخلو تبلیغنامه سیله برلشدریلررك
محكمه تمیز استدعا دائره سنده قرائت اولندی .

اوراق مذکوره مأللرینه نظراً اغاوی وخاجی
دودو نام قادیلرك نقود وخیاتی سرقت ایتملرندن

طولای مظنون علیهم اولان مغردیج وطاطیوس
ومحمد افندی وواخانسی ووارطوارحققرنده اجرا
ایدیلان محاکمه نتیجه سنده محمد افندی وواخانسی
ووارطوارك برأستلرینه و مغردیج وطاطیوسك
دخی التیشیر ماه مدته محکومیتلرینه دائر ویریلان
حکم ابتدائی به عدم قناعتله کیفیتك استینافاً رؤیت
وتدقیقنی استدعا ایتملری اوزرینه استینافاً جریان
ایدن محاکمه نتیجه سنده فعل واقع جنایت نوعندن
کورلدیکندن حکم ابتدائینك فسخیه جمله سی حقنده
غیر موقت توقیف مذکره سی اعطاسیه مستنطقه
تودیعنه قرار ویرلش ومستنطق طرفندن ویریلان
قرارنامه اوزرینه کیفیت هیئت اتهامیه به مرقوم
ملرك استیصال برأثت مقصدیه استیناف دعوی
استدکری جهته تشدید مجازات نقطه نظرجه
مدعی عمومی جانبندن حقوق عمومیه نامنه استیناف
ایدلماش اولسنه کوره فعلك جنایت نوعندن بولندیغه
قرار اعطاسنه صلاحیت ویرمچك سبب قانونی
موجود وبناء علیه برأستلری قرارکیر اولان
محمد افندی وواخانسی ووارطوار حققرنده دخی
تأثیرات قانونیه حاصل اولدیغندن هیئت اتهامیه به
ایشك مجرای قانونیسنه ارجاعی هیئت اتهامیه نك
صلاحیتی خارجنده اولدیغه ومحكمه نك قرارینه
اتباعه دخی مجبورت قانونیه کوریه مدیکنه بناء

مرجعته بلانراجه اصلاح کیفیت ایتدیرلمک اوزره
اوراق مرقومه نك استیناف مدعی عمومیلکنه
اعاده سنه قرار ویرلمش وشوصورتله محکمه و هیئت
اتهامیه قرارلری یتنده حاصل اولان اختلافک
حلی محکمه تمیزه عائد بولنمش اولدیغندن مقتضای
قانونیسنک ایفاسی بیان واشعار ومار الذکر
تبلیغنامه ده دخی اساس ماده نك حقوق عمومیه
نامه مدعی عمومی طرفندن استیناف اولنمیوب
محکوم طرفندن استیناف ایدلمش اولسنه کوره
محکمه قرارنده اصابت اولدینگی کبی هیئت
اتهامیه نك دخی بوقرارک تدقیقنه کیریشمش اولسی
دخی صلاحیت خارجنده اولدیغنه بناء مقررات
مذکورنك نقضی لازم کله جکی ازبار اولمشدر

ایجابی لدی المذاکر اساساً ججه درجه سنده
محکوم اولان مرقومانک حقلرنده بدایه لاحق
اولان حکم وقرار اصول ونظامی دائره سنده
استیناف ایدلمش واستیناف محکمه سنجه فعل
مدعاهک مجازات ترهیه بی مستلزم افعال جنایه دن
کورلمسی اوزرینه اصول محاکات جزایه قانوننک
یوز یتیشیدنچی ماده سی موجبجه مظلونلر حقنده
غیرموقت توقیف مذکره سنک اعطاسیله عائد
اولدینی مستنطقه حواله ایدلمش اولغله مستنطق
طرفندن اخیراً تنظیم قلنان قرارنامه اوزرینه

مشار الیهاده تدقیق ومطالعه اولندی

اعلام مذکورک خلاصه مالی مومی الیه
عثمان افندینک مرقوم عبده افادن اخذ
واستقراض ایلدیکی مبالغ معلومه به مقابل
بیع الوفا طریقله ترهین ایتدیکی نصف چفتلکک
فروختیله اتمانندن تسویه دین ایتدیرلمسنه دائر
ساقز بدایت محکمه سنندن صدور ایدن اعلامک
عند الاستیناف فسخیله کیفیتک محکمه شرعییه
عائدتیه متدائر صادر اولان اعلام استینافینک
نقض وتصدیقنده محکمه تمیز استدعا دائره سنجه
تساوی آرا وقوعبولسنه مبنی اعلام مذکورک
محکمه مشار الیهانک هیئت عمومیه سننده بالتدقیق
نقض واعاده ایدلمسی اوزرینه بوکره جریان ایدن
محاکمه وتدقیقات استینافیه نتیجه سننده اعلام سابق
استینافینک محکمه تمیزک هیئت عمومیه سنندن
تدقیق ونقض اولنسی استدعا دائره سنجه وقوع
بولان تساوی آرادن نشئت ایتیش وبوایسه
محکمه استینافیه نك اصولاً حائز اولدینی حق
اصراری اسقاط ایده میه جکی درکار بولنمش
ایدوکی بیانیله بر موجب قرار سابق کیفیتک
محکمه شرعییه عائدتیه حکمدن ومستدعی تمیزک
اشبو حکم علیهنده لایحه سننده مندرج
اعتراضاتنک مؤداسی محکمه تمیزک هیئت عمومیه سنک
قرارینه اتباعه استیناف محکمه سنک قانوناً مجبوری

درکار ایکن برمنوال محرر قرار ویرلمسی مغایر
قانون ایدوکنندن بختله اعلام استینافینک نقضی
ومیزر علیه عثمان افندینک لایحه سننده محرر فذلک
اجوبه سیده غیروارد اولان اعتراضاتک ردیله موافق
اصول وقانون بولنان اعلام مزبورک تصدیق
استدعاسنندن ومطالعه نامه نك مفادیده اعلام
تمیزهده مسطور اولان اسباب مقبوله به قارشو
لایحه تمیزهده درمیان اولنان اعتراضاتک موافق
قانون کوریله مدیکی بیانندن عبارت بولمشدر

ایجابی لدی المذاکره مندرجات اعلام
تمیزهده مستبان اولدینی اوزره اعلام سابق
استینافی محکمه تمیزک هیئت عمومیه سنندن نقض
اولنمش کرک تساویدن طولای اولسون وکرک
اصراردن ناشی بولنسون هیئت مشار الیهان
صادر اولان مقرراته اتباعه محاکم نظامیه نك
مجبوری درکار بولنمش اولدینی حالده جزایر
بحر سفید استیناف محکمه سنجه هیئت عمومیه نك
قراری استدعا دائره سنجه وقوعبولان تساویدن
نشئت ایتدیکی وبنابرین اصراره غیر مانع ایدوکی
بیانیله هیئت مشار الیهانک قرارینه اتباع ایدلماسی
نقض حکمی مستلزم اسباب قانونیه دن کورندیکندن
اصول محاکمه حقوقیه قانوننک ایکوز اوتوز
ایکنجی ماده سی موجبجه اعلام اخیر استینافینک

دخی نقضیه قرار سابق دأر سنده ایفای معامله اولمق اوزره کیفیتك محكمه استینافیه اعاده سته وزیرده مفرداتی مرقم ایکوز او تودرت غروش اون پاره مصارف تمیزیه نك بالاخره حقسنر چیه جق طرفه راجع اولمق اوزره اول امرده مستدعی تمیزدن النسخه ۲۶ کانون ثانی سنه ۳۱۵ تاریخنده اکثریت آرا ایله قرار ویرلدی .

اعلام مذکورك خلاصه مالى وصی مومى اليها فاطمه حوريه خانم مومى اليه عثمان بك متصرف اولدینی چورلی قضاسنه تابع او خلاص چفتلكی ديمكلمه معروف اولان چفتلكك نصف حصه سنی زوجی متوفی خورشید افندیدن حال حیاتنده استقراض ایلدیکی بیک ایکوز لیرا مقابلنده وفاء فراغ ایلدیکی حالد مبالغ مستقرض مزبوری اعطا ایتمکده اولدیغندن بختله نصف حصه مذکورك فروختيله اتمانندن تسویه دین اولمسنی ومومى اليه عثمان بكك سنوی اوچر یوز لیرا بدل ایله مصطفی وعلی بکله ایجار ایلدیکی او خلاص وممره جق چفتلكلری بدل ایجاری اوزرینه وضع ایلدیکی حجزك تصدیقی درسعادت بدایت محکمه سنده طلب ودعوی ووفایی ناطق برقطعه اعلام شرعی ابراز واعطا ایتسنه قارشو مدعی علیه عثمان بك دخی راهن اولمق حسیله منافع رهن کندوسنه عائد بولندی حالد متوفی حاجی خورشید افندی مذکور چفتلكك

شهزاده باشنده کمر زقاغنده یاغلقچی اصنافدن حاجی اسماعیل افندیك خانه سنده مسافره مقیم چورلی عبد الباقی زاده عثمان بك ایله کدك باشا جوارنده طاتلی قیوده امام حمای اتصالده اون الی نومرولی خانه ده ساکنه متوفی حاجی خورشید افندی ورثه سی وصیسی فاطمه خوریه خانم بیننده متکون دعوایه دار محکمه استیناف حقوق قسندن ۱۲ تموز سنه ۳۱۵ تاریخی و یوز اون الی عددی ایله ویریلان اعلام مومى اليه عثمان بك طرفندن تمیز ایلدکله باش مدعی عمومیلک مأموریت علیه نك مطالعه نامه سی التدقندن اعلام مذکور هیئت عمومیه جه بالتدقیق حاوی اولدینی قرار

واردات عمومیه سنی اخذ وقبض ایتدیکندن بوجهتله وقوع بولان مأخوذاتك دعواى حادثه صورتيله تدقیقی مدافعه بیان ایتمش ایسه ده ادعای مذکور غیروارد کوریلهرک ردی قرارگیر اولسی و اخیراً تعیین ایدیلان کونده مومى اليه عثمان بكك دعوتیه اجابت ایتماسی اوزرینه محکمه جه تعیین قلنان وکیل مسخر حضوريله جریان ایدن محاکمه وتدقیقاده مذکور نصف حصه چفتلكك وفاء فراغ ایلدش ایدوکی مذکور اعلام شرعی ایله ثابت اولدیغندن فروختيله اتمانندن تسویه دین ایلسنه وحجز موضوعك تصدیق وحکمك موقه اجراسنه ومدعیه نك فائض طلبنه متدائر اولان ادعاسك ردینه دار محکمه مذکور دن ویریلان اعلام حکمه مومى اليه عثمان بكك عدم قناعتله استیناف دعوی ایلش وجریان ایدن محاکمه استینافیه ده مذکور نصف حصه چفتلكك واردات سنویه سنك درتیوز لیرا ایدوکی اولبایده کی رسمی قونطوراتو ایله ثابت اولوب بوجهتله اوچ سنكك وارداتی تأمین دینه کافی بولندی حالد بدایت فروخته قرار ویرلسی وتأمین دین مقصديله تحت حجزه اثنان چفتلكك اجوراندندن طقوز یوز لیرانك دین مذکور محسوبی جهته کیدلیدی حالد محجوز

اوله رق براغلسی مغایر قانون ایدوکی بیانیله اعلام مستأنف بهك فسحنی طلب وادعا ایتمش ایسه ده هریکی ادعاسی بدایت درمیان ایدلیدیکی جهته استینافاً درمیان ایدلسی جائز اولدیغندن ردیه اعلام ابتدائی مذکورك بوجهتله متدائر اولان قرارلرینك تصدیقنه وفائض حقنده کی ققره حکمیه سنك فسحیه عرضحال تاریخندن اعتباراً حکم تاریخنه قدر کچن ایام گذشته سی اولان جمعا درتیوز سکسان الی لیرا ایله حین تحصیلنه دکن رأس المال فائضك بشقه جه تحصیلنه دار محکمه استیناف حقوق قسندن ویریلان اعلام تمیز ایلدکله جریان ایدن تدقیقات تمیزیه ده عند الاستیناف کرک تحریراً وکرکسه شفاهاً اعلام ابتدائی علیهنه درمیان ایدیلان اعتراضاتك یکان یکان تدقیق ایدیلهرک اصول محاکمه حقوقیه قانوننك یوز طقسان ایکنجی ماده سنه توفیقاً قبولی اقتضا ایدنلرک بالقبول اکاکوره حکم ایدلک لازم کلورکن اعتراضات مذکورك بدایت سرد ایدلدیگندن بختله ردینه قرار ویرلسی یولسز اولدیغندن نقض واعاده قلمسی اوزرینه محکمه مذکور جانبدن وقوع بولان دعوتیه مومى اليه عثمان بكك اجابت ایتماسندن ناشی مومى اليه استیناف استدا

نامه سنك ابطاليله موقه حق محاكمه كن سقوطنه
قرار ویرلسندن ومومى اليها حوريه خانمك
دعواى استينافيه سنه كلنجه محكمه شرعيه دن صادر
اولان اعلامدن صكره فائض حساب وحكم
اولنمى حقنده خانم مومى اليها طرفندن سبق
ايدن طلب ودعواي اسقاط ايتيمه جكي دركار
اولمغه مبالغ مدعايهك دعوى غرضالى تاريخندن
اعتباراً جديد مراتبه نظامنامه سى موجبجه يوزده
اوتوز پاره دن ايشله مش وحين تحصيلنه قدر
ايشليه جك فائضيه مومى اليه عثمان بكدن لزوم
تحصيلنه دائر محكمه مذكوره دن صادر اولان
اعلام غيايى حكمنه مومى اليه عثمان بك طرفندن
اعتراض اولنمى اوزرينه وجاهاً جريان ايدن
محاكمه وتدقيقات نتيجه سنده معترض عليها
حوريه خانم مبلغ مدعايه مذكورك دعوى
عرضالى تاريخندن اعتباراً فائضى طلب وادعا
ايتيموب مبلغ مذكورك استيفاسنه صلاحيت
كلديكي تاريخندن صكره كذران ايدن مدتك
فائضى طلب ايتيمكه اولديقنه واشبو فائض
جهتلك تدقيق ايسه محكمه نظاميه عائد ايدوكنه
بناءً معترض عثمان بكك وظيفه حقنده كي ادعاسى
غير وارد اولمغه ردينه واعلام منقوض استينافيك
مبلغ مزبورك فائض نظاميسيله برابر عثمان

بكدن تحصيلي حقنده كي فقره حكيمه سى اسباب
موجبيه مستند واصول وقانونه موافق اولديغندن
بوابده كي قرار سابق غياييك تصديقه ومارالذكر
چفتلكك واردات عموميه سندن متولد مطلوبات
دعواسنك ادرنه استيناف محكمه سنجه در دست
تدقيق اولدينى مبرز علم وخبرايه طرفيك تصادقندن
اكلاشديقنه وشو حالده با اعلام شرعى محكوم به
اولان وحوريه خانم جانبندن تحصيلي ادعا اولنان
مبلغ مطلوب مذكورايه هنوز در دست استيناف اولان
برمطلوبك تقاض ومحسوبي جهته كيديله ميه جكنه
بناءً خانم مومى اليهاك مطلوبى اولدينى با اعلام
شرعى ثابت اولان بك ايكسوز ليرانك تأمين
استيفاسى ايجون مرهون بولنان نصف چفتلكك
فروختيله اتمانندن مبلغ مطلوبك استدعا تاريخندن
اعتباراً فائضيله برابر عثمان بكدن تحصيلنه وحجز
موضوعك تصديقه وحكم واقمك موقعاً اجرا سنه
ومعترض مومى اليهك مدافعه واقعه سنك ردينه
حكم اولنمى ايسه ده عند التميز اساس دين
محكمه شرعيه جه تحت حكمه النهرق اعلام
شرعى به ربط ايدلش اولسندن ناشى فرعى اولان
فائض ايجون ينه محكمه مذكوره به مراجعت ايدلسى
شوراي دولتك ۲۰ كانون ثانى سنه ۲۸۸ تاريخلى
مذكوره سى احكامسندن اولدينى حالده خلاف

قانون اوله رق فرعك اصلدن تفريقيله نظام
محكمه سنجه تحت حكمه النمى يولسز اولدينى كبي
عند المحاكمه مديون عثمان بكك شخص ثالث
يندنه كي طقوز يوز ليراسى داي طرفندن تحت
حجزه النمش وحجز مذكور دخی جانب محكمه دن
تصديق اولنمى اولدينى مندرجات اعلامدن
اكلاشلقده اولسنه وبومقوله دينك استيفاسى
خصوصنده اولاً مديونك نقودينه وثانياً عروض
واشياسنه واولدينى صورنده املاك وعقارينه
مراجعت ايدلسى مجله جليله واجرا قانونى
اقتضاسندن بولنمى سنه نظراً محكمه جه مذكور
طقوز يوز ليرا حقنده برشى ديتلكسز ين هان
چفتلكك فروخته حكم اولنمى واساس دعوى
منازع فيه عقارك بيع وفروخته دائر اولمغه
بوحكمك موقه اجرا سنه قرار ویرلسى يولسز
اولديغندن ناشى اعلام مذكورك نقضنه قرار
ویرلس وقرار مذكور عليهنده مومى اليها
حوريه خانم طرفندن ویريلان تصحيح قرار
استدعاسنده محكمه شرعيه ده جريان ايدن محاكمه
منازع فيه نصف چفتلكك وفا صورتيه متوفى
خورشيد افندي به بيع اولنديقنه دائر اولوب
شمدي ادعا اولنان اساس دين حقنده اولماسنه
نظراً محكمه تمیزجه اساس دينك محكمه شرعيه ده

رؤيت اولنمى اولسنه ذهاب ايله فرعى اولان
فائض ادعاسنك دخی محكمه شرعيه به حواله سنه
قرار ویرلسى يولسز ووقيله اساس دين
دعواسنك محكمه نظاميه ده رؤيته دائر بدایه
ویرلس واستينافاً وتميزاً تصديق ايدلش اولان
قراره مباین اولدينى بيان ومحكمه شرعيه
اعلاميله وظيفه حقنده استينافاً وتميزاً ویريلان
اعلاملى تصحيح قرار استدعاسنه لفاً دائره به
اعطا ايلش ولدى التدقيق فى الحقيقه مذكور
اعلام شرعيه منازع فيه چفتلكك اثماني حقنده
بركونا محاكمه جريان ايتامش ايكن هر نصلسه
دائر اعلامنده اساس دينك محكمه شرعيه جه تحت
حكمه النمش اولديقنه ذهابله فرعى اولان فائض جهتلك
دخی ينه محكمه مذكوره به مراجعتله طلب ايدلسنه
قرار ویرلس وبو قرار ايسه يولسز كورلش
اولديغندن عرضال مذكورك يالكز بوجهندن
قبوليله فائض جهتلك اسباب نقضيه ميانندن طى
واخراجنه دائر ویريلان قرار اوزرينه محكمه
مذكوره جه بى تكرار جريان ايدن محاكمه وتدقيقات
نتيجه سنده قرار منقوض استينافيه ثبات واصرار
اولنمى سنه حكمدن ومستدعى تمیز عثمان بكك
اشبو حكم عليهنده لايحه سنده محرر اعتراضاتك
خلاصه سى هر نقض در متصرف اولدينى چفتلكك

نصف حصه سی دین مذکور مقابلنده مرهون
ایسه ده و دین مذکورک تأمین استیفاسیچون
کندوسنک طقوز یوز لیراسی تحت حجزه الخمش
اولدیغندن بونک اساس دینه تقاص و محسوبی
ادعا قلمش ایکن عند الاستیناف بوادعاسنک
نظر اعتنایه الخمشین و قرار تمیز دأره سنده تدقیقات
عمیقہ اجرا ایدلمکسین بروجہ محرر حکم سابقہ
اصرار اولنسی یولسز و مغایر قانون اولدیغندن
اعلام مذکورک نقضی استدعاسندن و مدعی علیها
حوریہ خانمک لایحه سنده مندرج نتیجہ جوابی
ایسه اعتراضات مسرودہ نک واهی و بی اساس
اولدینی بیانیله ردی و موافق اصول و قانون
اولان اعلامک تصدیقی طلبندن و انقالبان مطالعه
نامہ نک مالی ایسه مبلغ مدعا بہک تأمین استیفاسی ایچون
حجز و فروختی تحت قرارہ النان نصف چفتلک
ذاتاً مرهون اولدینی اعلام شرعی ایله ثابت
اوله رق اعلام تمیزہدہ بوجہتہ دأر کوستریلان
اسباب موجبہ قانونیہ و مقبولہ یہ نظراً قرار
واقعک نقضی حقنہدہ لایحہ تمیزہدہ درمیان
ایدیلان اعتراضات قانوناً شایان قبول کوریلہ مدیکنک
بیانندن عبارت بولمشدر
ایجابی مذاکرہ اولندقدہ اعلام مذکور
مطالعہ سندن منفہم اولدینی اوزرہ عند الاستیناف

مومی عثمان بک مبلغ مدعا بہک استیفاسی ایچون
مرهون چفتلکک وارداتندن طقوز یوز لیراسی
خانم مومی ایها تحت حجزہ الدیرمش اولدیغندن
مبلغ محجوز مذکورک اساس دینه تقاص و محسوب
ایدلسی ادعا ایتمکدہ اولوب بوایسہ تسلیمات
ادعاسی دیمک اولدیغندن اصول محاکمہ حقوقیہ
قانوننک یوز طقسان ایکنجی مادہ سنک فقرہ
اخیرہ سی حکمچہ مومی الیہ عثمان بکک استیناف
محکمہ سنده اشبو تسلیمات ادعاسی درمیانہ حتی
اولدینی حالده قسم مذکورچہ اشبو طقوز یوز
لیرانک تقاص و محسوبی دعواسنک و برده ادرہ
استیناف محکمہ سنده در دست تدقیق اولدینی بیان
اولنان در تیوز لیرا تسلیمات ادعاسنک استماعیلہ
قبول ویا ردینہ دأر قانون دأره سنده برقرار
ویرلمک لازم کلور ایکن بلا استماع ردینہ دأر
مقدما ویریلان قرارده اصرار ایدلسی یولسز
و مغایر قانون اولدیغنه و مستدعینک
اعتراضی دخی بوجہتہ متدأر اوله رق شایان
قبول بولدیغنه بناءً اصول محاکمہ حقوقیہ
قانوننک ایکوز اوتوز ایکنجی مادہ سی موجبہ
اعلام مذکورک نقضیلہ قانون مذکورک ایکوز
قرق طقوزنجی مادہ سی حکمنہ توفیقاً کیفیتک
صور محررہ دأره سنده اعلامہ ربطی ضمنندہ

قسم مذکورہ اعادہ سنہ وزیردہ مفرداتی مرقم
ایکیوز طقسان سکنز بحق غروش مصارف
تمیزہ نک ایلرودہ حقسز چیقہ جق طرفہ رجوع
ایتمک اوزرہ اول امرده مستدعی مومی الیہ
عثمان بکدن الخمسنہ ۲۴ تشرین ثانی سنہ ۳۱۵
هیئت عمومیہ چہ اکثریتلہ قرار ویرلدی .

اعلام مذکورک خلاصہ مالی متوفاة
مزبورہ علیکساندرہ قادینک حال حیاتندہ برقطہ
مبايعہ سندی موجبہ متصرفہ اولدینی قریہ
مذکورہ کائن معلوم الحدود بر دونم مقداری
مع طام برقطہ عرصہ زوجی مانولک مالی ظنیلہ
مومی الیہ حسن رفعت افندی طرفندن مرقوم
ذمتندہ کی الہ جفتک تأمین استیفاسی ضمنندہ تحت
حجزہ الدیرمش ایسه ده مذکور عرصہ کندوسنک
ملک مشتراسی بولندیغندن بمثلہ حجز واقعک
فکفی طلب و دعوی ایتمسنہ قارشو مومی الیہ
حسن رفعت افندی دخی مزبورہ نک ادعاسی
قراردادہ کشیدہ سندن صکرہ وقوع بولدینی جہتلہ
شایان قبول اولدیغنی مدافعہ درمیان ایتمسی
اوزرینہ جریان محاکمہ و تدقیقات نتیجہ سنده
منازع فیہ عرصہ بالمزایدہ او حان افندی نام کسنہ
عہدہ سنده قالدقندن و قرار دادہ سی کشیدہ قلندن
صکرہ استحقاق دعواسنہ قیام ایدلمش اولدیغنک
نبوتنہ بناءً مدعیہ مزبورہ نک ادعاسنک ردیلہ
معارضہ سنک منعنہ قرار ویرلدکدن صکرہ منازع فیہ

آیدین ولایتی داخلندہ اودہ مش قضاسنہ
تابع اطہ کیدہ قریہ سی اہالیسنک کندی کلان
اوغلی دیمتری و طلبہ دن احمد افندی زاده حسن
رفت افندن ایله قریہ مذکورہ ساکنلرندن
پایا سیواسقی اوغلی مانول زوجہ سی علیکساندرہ
قادین ورثہ سندن زوجی و صغیر اوغللری پریکلی
واراستیدینک و صیبی مانول و کبیر اوغللری
واسیل و سیواسقی و کبیرہ قزی خریساتی قادین
ینلرندہ متکون دعوا یہ دأر آیدین استیناف
محکمہ سندن ۱ نیسان سنہ ۳۱۵ تاریخی والی
عددی ایله ویریلان اعلام مومی الیہ حسن
رفت افندی و کندی کلان اوغلی دیمتری
طرفلرندن تمیز ایدلمکلہ باش مدعی عمومیک

عرصه نك مشترى اولى اولان او خان افنديك مشترى
يسى بولنان مزبور كندى كلان اوغلى ديمتري عليهنده
دخى اقامه دعوى ايتمى اوزرينه سبق ايدن
محاكمه و تدقيقات نتيجه سنده دخى دعواى واقعه
حقنده اولجه حكم و قرار و يرلمش اولديغنه كوره
بويابده بتركرا دعوى اقامه سى غير جائز اولديغندن
اصول محاكمه حقوقه قانونك اوچچى ماده سى
موجبجه استدعاسنك ردينه دار و يريلان اعلام
عليهنده مزبوره علكساندره قادينك وقوع فائنه مبنى
ورته سى طرفلرندن استيناف دعوى ايدلمش و تعيين
قلسان كونده مستأنف عليهمادن حسن رفعت
افنديك دعوتيه اجابت ايتماسى اوزرينه و كسل
مسخر و مدعى عمومى حضور لريله عن الغياب
جريان محاكمه و تدقيقات استينافيه نتيجه سنده
مذكور ايكي قطعه اعلام ذى الديللك اثبات
ايتديرلما سندن واسباب سائر قانونيه دن طولاي
فسخيله مبادى درجه سنده بولنان دعوانك بتركرا
بدایت محكمه سنجيه رؤيته حكمدن و مستدعى تميزلرك
اشبو حكم عليهنده لايحه لرنده محرر اعتراضلرينك
باشلوجه سى دعوى بر كشي حقنده استيناف
ايدلمش و اوراق استينافيه مومى اليه حسن رفعت
افندي يه تبليغ ايدلماش اولدينى حالده محكمه
استينافيه جه آنك دخى داخل دعوى ايديلوب

عدم اجابته بناء آنك حقنده غياباً رؤيت دعوى
ايدلمسى مغاير قانون اولديغندن بمحمله اعلام
مذكور كورك تقضى و لايحه جوابيه مؤداسى دخى
اعتراضات مسرووده نك واهى و بى اساس بولندينى
بيانيله ردى و اعلام مذكور كورك تصديقي استدعاسندن
وسالف الذكر مطالعه نامه مندرجاتى دخى
استيناف عرضحاللك مدتى ظرفنده و يرلديكى
اكلاشلدينى صورتده قبولنه قرار و يرلك و ايش
صغاره متعلق اولدينى جهته محاكمك هر نقطه سنده
مدعى عمومى حاضر بولنديريله رق اتحاد اولنه جق
مقررادن مقدم مطالعه سى استفسار اولنق
قانوناً مقتضى ايكن يالكز محاكمك ختامنده
مدعى عمومينك حضوريله اكتفا اولنمى نواقص
قانونيه دن اولديغندن قرار ميز بهك تقضى لازم
كله چكى بيانندن عبارتدر

اجابى مذاكره اولندقه اعلام مذكور
مألندن منقهم اولدينى اوزره بدایت محكمه سندن
و يريلان اعلامك عند الاستيناف اسباب قانونيه
مبنى فسخيله درجه اولى محكمه سنده اعاده سنده قرار
و يرلمش ايسهده اصول محاكمه حقوقه قانونك
ماده مخصوصه سنده محرر اولدينى اوزره بومقوله
قرار قطعى يى متضمن اولان بدایت محاكمى
اعلاماتنك فسخنى حالده كيفيتك يكيدين رؤيتى

استيناف محكمه سنده عائد ايكن بدایت محكمه سنده
اعاده سنده قرار و يرلمسى و محاكمك هر دفعه سنده
مدعى عمومينك حاضر بولنديرلمسى اقتضا ايدر
ايكن يالكز صوك محاكمه بولنديرلمسيه اكتفا
ايدلمسى يولسز اولديغندن اصول محاكمه حقوقه
قانونك ايكوز اوتوز ايكنجى ماده سى موجبجه
بوقفه لرذن تقضنه اتفاقله و اساساً ايكي قطعه
اعلام حقنده استيناف دعوى ايدلمش ايسهده
حسن رفعت افندي حقنده كى استيناف دعوا سنده
شرائط استينافيه نك اجرا ايدلماشى و بومقوله
شرائط قانونيه سى اجرا ايدلماش اولان استيناف
استدعاليينك قبوليله اعلامات ابتدائيه نك استينافاً
تدقيق و فسخنى غير جائز بولنش ايكن محكمه جه
افندي مومى اليه لهنده كى حكم و اعلامك دخى
تدقيق و فسخ ايدلمسى مغاير قانون اولمغله اعلام
مذكور كورك بوقفه دن تقضنه اكثريتله وزيرده مفر داقى
مرقم التوز يكرمى طقوز بمحق غروش مصارف
تميزيه نك ايلروده حقسنر چيقه جق طرفه رجوع
ايتك اوزره اول امرده مستدعيلرذن اخذينه
۱۱ كانون اول سنه ۳۱۵ تاريخنده متفقاً قرار
و يرلدى .

مناستر محلاتندن سنان بك محله سى
ساكنلرندن ضيا بك ايله قره دباغ محله سى
متمكنلرندن ارپه جى حاجى صباح بيننده متحد
دعوايه دار مناستر استيناف محكمه سندن ۲۸
نيسان سنه ۳۱۵ تاريخى و يدى عدديه و يريلان
اعلام مومى اليه ضيا بك جانبندن تميز ايدلمكه
اعلام مذكور طرفينك اعتراض و جواب
لايحه لريله بالمطالعه تدقيقات تميزيه اجرا سنده ابتدار
اولدى

اعلام مذكور خلاصه مالى مرقوم
حاجى صباحك اوچ قطعه سند موجبجه مومى اليه
ضيا بك ذمتنده غير از گذشته الهجنى اولدينى
بالحاكه ثابت اولان قرق طقوز بيك درتيوز
اللى بر غروشله اوچيوز قرق بش كيل يدى
قوطله چودار و سكسان بر كيل اوچ قوطله
شعيرك تأمين استيفاسى ضمتنده مير مومى اليهك
اموال منقوله و غير منقوله سى اوزرينه وضع ايديلان
حجزك تصديقي و اموال مذكور كورك فروختى ايله
اثمانندن تسويه دين اولنمى لزومه دار مناستر
مرکز بدایت محكمه سندن صادر اولان اعلامك
مومى اليه ضيا بك طرفندن استيناف ايدلمسى
و بعض اسباب قانونيه مبنى اعلام مستأنف بهك

فسخ اولنمی اوزرینه بئکرار جریان ایدن محاکمه
وتدقیقات استینافیه نتیجه سنده مستأنف مومی الیه
طرفندن ساخته لکی ادعا ایدیلان علم و خبر لری
ساخته لکی حقنده برکونا اماره کوریه مدیکندن
کیفیتک جزا دأره سینه حواله سی حقنده سرد
اولنان اعتراض غیر وارد اولوب انجیق ابراز
ایدیلان حساب پوصله سی موجب مدعی حاجی
صباحك حواله قبول و تعشیر ایلدیکی لجه قریه سی
اعشارندن طولای مومی الیه ضیا بکه دینی اولان
مبالغ مع فائض مطلوبندن بالتزیر مدعی مرقومك
میر مومی الیه ذمتنده متباق قرق درتیک ایکوز
یدی غروش اله جفی تحقیق ایتدیکندن انك
تحصیلنه و فقط مبلغ مزبور دن طقوز بیک سکر
یوز قرق طقوز بچق غروشی صرف فائض
اولغله یالکز اوتوز درتیک ایکوز یدی غروش
اوتوزیدی پاره ایچون حین تأدیه سینه قدر فائض
یوریدلسنه و مصدق ذخیره سندینه مستند اولان
اجرای موقت قرارینك سند مذکور حکمنك
اسقاط ایدلیدیکی جهتله فسخه و حجز موضوع
موافق قانون اولدیغندن تصدیقه حکمدن واشبو
حکم علیهنده مستدعی تمیز ضیا بکک لایحه سنده
محرم باشلوجه اعتراضی مستند ادعا اولان سند
امنیته مبنی مرقوم حاجی صباح نرندنه قاهره

مرقوم صباح کندیسنی اضرار قصیدله و امنیتی
سوء استمال ایدرک بودعوایه تشبث ایلدیکی جهتله
کیفیتک جهت جزاییه حواله سی ادعا ایلدیکی
حالده محکمه مذکوره جه بوجهت قانونیه نظر
دقته التمهیرق برمنوال محرم حکم اولنمی بولسز
و مخالف قانون اولدیغندن بحثله اعلامك نقضی
استدعاسندن و مدعی علیک نتیجه جوابی دخی
تمیزاً درمیان اولنان اعتراضاتك واهی و بی اساس
اولدینی بیانیله ردی و موافق اصول و قانون
اولان اعلامك تصدیق طلبندن عبارت بولمشدر
ایجابی لدی المذاکره اعلام مذکور مألندن
منفهم اولدینی اوزره مرقوم حاجی صباح طرفندن
ابراز اولنان سندلردن نقدی حاوی اولان سند
حقنده مومی الیه ضیا بک عائد اولدینی محکمه ده
امنیتی سوء استمال دعواسی اقامه ایلدیکی افاده
ایله آنك نتیجه سینه تعلیق محاکمه اولنمی طلب
ایتمی اوزرینه محکمه جه مومی الیهک بومدافعه سی
نظر دقته الزهرق و مدعی عمومی حاضر بولندیریلهرق
استماعندن صکره حاصل اوله جق نتیجه کوره
برقرار ویرلمك لازم کلورکن بوندن ذهول
اولنمی مخالف قانون اولدینی کی بومقوله
اموال منقوله نك حجزی طلب اولندقدده اموال
مذکوره قانوناً حجزی مجاز اولان اموالیدر

امسال

دکلیدر بالتدقیق حجزی جائز اولان اموالندن
اولدینی تحقیق ایدر ایسه اول حالده حجز ایدلمك
لازم کلورکن بونقطه مهمیه دخی دقت اولنمهرق
مدعی مرقومك طلبی وجهله مومی الیه ضیا
بکک اموال منقوله و غیر منقوله سی اوزرینه
وضع اولنان حجزك دخی تصدیق جهتله کیدلسی
بولسز و مخالف قانون اولدیغه و مستدعینك
بالاده محرم اعتراضی دخی بوجهته متدأر اولهرق
شایان قبول بولندیغه بناء اصول محاکمه حقوقیه
قانوننك ایکوز اوتوز ایکجی و ایکوز قرق برنجی
مادملری موجب اعلام مذکورك تقضیه قانون
مذکورك ایکوز قرق دردنجی ماده سی حکمه
توفیقاً کیفیتك صور محرره دأره سنده بالرؤیه
اعلامه ربطی ضمنتده محکمه مذکوره یه اعاده سینه
وزیرده مفرداتی مرقم اوچیز اوتوز اوچ بچق
غروش مصارف تمیزیه نك ایلروده حقسنز
چیقه جق طرفه رجوع ایتك اوزره اول امرده
مستدعیدن اخذینه ۱۶ کانون اول سنه ۳۱۵
تاریخنده متفقاً قرار ویرلدی .

طراقلی ناحیه سنك باش ویران قریه سندن
حاجی حسن افندینك خانه سی باصهرق ایچه سی
سرقت ایتدکلی دعوی اولنسنندن طولای
مظنون علیه اولوب در سعادت هیئت اتهامیه سندن
جنایاتله حقنده اخذ و گرفت مذکره ویرلمش
اولان و اشکاللری غیر مضبوط بولنان ارضروم
ولایتی داخلنده کینی قضاسنك اق طاش قریه سندن
کورت رشید و قضاء مذکورك مزه قریه سندن کورت
اسماعیل چاوش بن حسین و ولایت مذکورده نك
حسن بصری محله سندن حسین بن یوسف
و سکود قضاسنك حرمان قریه سندن طوپال محمد
الآن اله کچوریه مامش اوللرندن ناشی اصول
محاکمات جزاییه قانوننك اوچیز یتمش برنجی ماده سی
موجبجه قانونه اطاعتله محکمه یه کللری ایچون
طرف ریاستندن مجدداً اون کون مهل ویرلمش
اولدیغندن مدت مذکوره طرفنده اثبات وجود
ایتمدکلری حالده محاکمه لری غیاباً بالاجرا حقوق
مدنیه دن اسقاط و امواللری حجز ایدیله جکی
و بوبابده مرقوملرک برکونا دعوی اقامه سینه
حقلری اوله میه جنی کی مرقوملرک بولندیغنی
محلی بیلنلر خبر ویرمهک و بالجمله ضابطه و عدلیه

مأمور لرینک مرقوملری دردست ایتمکه مجبور
بولندقلری اعلان اولنور .

۱۸ نیسان سنه ۳۱۶

پیشکاهنده حاضر بولنملری دائره مذکوره اجرا
مأموریتی جانبدن اعلان اولنور .

۱۸ نیسان سنه ۳۱۶

قائمہ نصیب خانمک جان خانم ذمتده
با اعلام الهجفی بولنان مبالغک تأمین استیفاسی
ضمنده تحت حجزه النان اسکدارده سلییه
قشلهسی جادهسنده برطرفی قهوهچی محمد اغانک
خانهسی و دیگر طرفی قائمقام رمزی اقدینک
خانه و باغچهسی و برطرفی طریق عام و ارقه طرفی
باغچه ایله محاط تخمیناً اشجار مثمیری حاوی
یدیوز آرشون مقداری باغچه و برقیوی حاوی
یکرمی بش نومرولی متصرفه اولدینی حرم
وسلاملق ایکی قبو و سکر اوطه و ایکی مطبخ
و ایکی زردبان و برکمرلک و ایکی صفه و درت
ابدستخانهلی اخشاب خانهسی تاریخ اعلاندن
اعتباراً اون بش کون صکره بالمزایده فروخته
مبادرت اولنهجفی اسکدار اجرا دائرهسندن
اعلان اولنور .

۱۹ نیسان سنه ۳۱۶

مطبعه مامره

اوانکلیوسک قسطنی ولد پنا یوط ذمتده
محکوم به الهجفی اولان مبالغک تأمین استیفاسی
ضمنده بیوکدره جادهسنده عتیق بر جدید اون
درت نومرو ایله مرقم بر باب منزلده اوچ حصه
اعتباریله مدیون قسطنی ولد پنا یوطه متوفی
پدرندن اصابت ایدن بر حصه شایعهسی و ایوم
حصه شایعه مسکرات مغازهسی اولوب مذکور
حصه نک حجزیله فروختی تحت قراره النهرق
لدی المزایده التییک بشیوز غروش التون ایچه
بدل ایله طالبی عهدهسنده تقرر ایتمش اولدینندن
تاریخ اعلان اعتباراً اوتوز برکون ظرفده یوزده
بش ضمیمه طالب اولانلرک بک اوغلی اجرا
دائرهسنه مراجعت ایتملری و اوتوز برنجی کونی
دیخی منزل مذکور ایله مسکرات مغازهسنک